

屯留縣志卷一

星野

周禮保章氏以星土辨九州所封之域皆有分野蓋天地之氣本相流通在地成形在天成象易曰天象垂見吉凶書曰惠迪吉從逆凶故人事見於下則天象應於上如影之隨形響之應聲也屯雖蝸角星宿纏度亦必詳考而志之云

屯留潞之屬邑潞冀域也春秋緯文云太行至碣石王屋底柱冀州屬樞星晉天文志云魁七星曰天樞曰璇曰璣曰天權曰玉衡曰開陽曰搖光石氏曰一主秦二

屯留縣志

卷一

星野

一

主楚三主梁四主吳五主燕六主趙七主齊按潞於戰國屬韓後併於趙依石氏說則趙爲開陽所主於緯文微有不同要皆言其總攝猶非分野之說也

鄭子產云參爲晉星實沈參神唐天文志曰觜觿實沈也初畢十度餘八百四十一秒四之一中參七度終東井十一度自漢之河東及上黨太原盡西河之地設險以限秦晉上應天關又曰東井輿鬼鶉首也南曲之陰在晉地衆山之陽南曲之陽在秦地衆山之陰陰陽之氣併故與東井通河東河北及河曲皆東井之分上黨次居下流與趙魏接爲觜參之分故廣輿記與一統志

皆以潞爲參井分野

又春秋元命苞曰畢昴散爲冀分爲趙史記曰趙地畢昴之分趙分晉而有太原定襄雲中五原上黨晉書天文志曰自胃七度至畢十一度爲大梁于辰在酉爲趙分野魏郡入昴一度趙郡入畢八度自畢十二度至東井十五度爲實沈於辰在申爲魏分野自東井十六度至柳八度爲鶉首於辰在未爲秦分野太原入東井二十九度上黨入輿鬼二度

屯留縣北極出地三度六十四分偏京師西二度四十分

屯留縣志

卷一

星野

二

測日出入冬至日出辰初一刻一分入申正二刻十四分晝三十七刻十三分夜五十八刻二分夏至日出寅正二刻十四分入戌初一刻一分晝五十八刻二分夜三十七刻十三分測節氣時刻加時早京師一刻一分

案分野之說雖古而非爲一邑言惟北極高緯及東西經度則晷漏永短之原中節早晚之故皆由於此爲授時之大綱農事之準則茲雖未得實測而依輿圖起算其大較亦不相懸

祥異

呂東萊云和氣致祥乖氣致異一氣之相應猶桴鼓也物之祥不如人之祥故國家以聖人之出爲嘉祥而景星慶雲神爵甘露次之物之異不如人之異故國家以邪佞之出爲大異而彗孛飛流龜孽牛禍次之今志祥異有關民謀者始書餘不濫入

章帝建初六年二月丙辰太尉鮑昱薨辛未晦日食

成化二十二年秋禾槁人相食二十三年復大饑正德

屯留縣志

卷一

祥異

三

五年秋大風拔木桃李復華六年春大風頽屋三月二十日甘露降四月隕霜殺桑十二月天鼓鳴流星如火七年六月內眚其形黑如人如獸變態不常索之杳無形聲人多被害夜則鳴鑼鼓然火禦之七月中乃息八年正月初五日十六日大風星隕如矢流如火九年四月十三日有星如碗大見南方

嘉靖四年六月大雹如鵝卵殺二麥秋禾歲僅六年六月雹七月又雹傷稼二十年文廟松樹自焚二十二年二月三十日星隕三十七年六月大風拔木雹殺稼民饑

饑

崇正九年七月蝗食禾大饑十三年春夏不雨大饑斗粟千錢父子不相顧

**國朝**

順治七年七月二十七日雨雹大如斗秋禾盡殺大木折救民大困八年麥大熟

康熙十一年飛蝗入境知縣孫枝蕃督民捕捉十二年四月生蝻食禾麥知縣屠直戴星率民捕捉五十四年夏秋大熟間有穗出兩歧雙莖者

雍正元年六月十九日絳水驟發浪頭數仞傍水居民遷避之五年冬大雪嚴寒異常井底結冰樹多凍死

屯留縣志

卷一

祥異

四

乾隆四十五年孫兆寶之妻牛氏一產三男而皆育五十八年旱甚米貴民飢

嘉慶十八年地動天鼓鳴

二十二年旱自春至立秋不雨秋收甚歉

道光十五年旱斗米錢七百餘六月雨雹大如雞卵民飢十六年冬金龍池冰高起丈餘人咸異之

二十二年旱

咸豐元年九月天鼓鳴二年正月二十二日黎明時天紅窗戶皆赤三年七月日中有繡毬形芒刺四射六年正月初六日雨土九年旱斗米錢五百餘民飢十年六

月經河驟發水至北城根

同治六年大旱民大饑七月十八日夜流星如火十年六月水溢漂沒民房甚多

光緒元年正月初一日雨土二年旱秋收甚歉三年六月平村三峻廟鐘自鳴三日城內二郎廟二仙廟鐘亦自鳴是歲大禳斗米千錢樹皮草根剝掘殆盡餓殍遍野四年春不雨夏無麥斗米錢一千四百有奇人相食疫大作自夏及秋死者甚衆五年夏秋中稔惟狼狽成羣傷人無數又鼠害異常

沿革

聖人畫野分疆以度地居民都邑之建置凡以固鴻圖奠王室也間雖沿革趨時隨代立名然而輿圖所紀莫不有地形可考也

縣境屬潞在禹貢冀州域其名屯留不知所始

路史皇帝封炎帝後參盧於潞 屯留潞之屬也

周留吁國及徐吾氏地後皆併於晉

水經注漳水東經屯留縣故城南故留吁國潞氏之屬春秋襄公十八年晉人執孫蒯于純留是也路史徐吾氏茅戎之別後有徐吾氏今潞之屯留西北三

屯留縣志

卷一

沿革

六

十里有漢余吾城

左傳杜注純音屯史記竹書俱作屯

案水經注留吁一本作留子字之訛也徐吾後為余

吾猶純留為屯留皆省文也

路史注引水經第十卷留吁一名戎屯與潞俱

附中國今本水經無此文

漢為屯留余吾二縣並屬上黨郡後漢省余吾入屯留

漢書地理志注屯音純續漢書郡國志屯留絳水出

注有余吾城在縣西北三十里

案余吾光武時為侯國再傳始除則其併省當在後

漢中葉矣

晉因之永嘉之亂地屬石趙其後前燕苻秦西燕後燕

迭有之太元二十一年入於北魏

案晉書劉淵遣將劉曜取屯留長子在永興中石勒據有上黨在建興時其入於前燕在昇平初苻堅滅燕在太和五年慕容永都長子在太元十一年又八年永滅於慕容垂是為後燕又二年地歸於北魏是為魏道武皇始元年實晉孝武太元二十一年也

北魏屯留寄氏二縣地北齊廢隋開皇十六年復置仍分寄氏縣地隸焉

魏書地形志上黨郡領縣五屯留有屯留城鳳皇山一名天冢山大王山上有關龍逢祠有疑山藕澤黃

屯留縣志

卷一

沿革

七

沙嶺絳水自寄氏界來入濁漳因名交漳余吾城陽水源出三槐山東流合車臺水東南入絳寄氏二漢為隋氏晉景明元年復改有猗氏城三想山北有水源出蒲谷東南流入絳水有八禮泉上黨谷有盤秀嶺盤水出其南北流合濁漳有方山伏牛山

案地形志所載山川鳳皇山黃沙嶺並在今潞城大玉山在今長治蓋兼有今長治潞城地由其時潞城與黎城為一縣而上黨郡所治之壺關在今壺關縣

東南也若寄氏則在今縣西與長子岳陽連界而山川多為縣有

志誤余吾為余五絳水為給三槐三想亦疑三槐之誤

又襄垣郡

所屬之建義縣志云分上黨之屯留置有鹿臺山則  
在今襄垣不復及

唐武德五年自故城移治霍壁卽今縣屬潞州  
宋改州爲隆德府金元復爲潞州而縣屬如故

宋史地理志大都督隆德府領縣八屯留上

金史地理志潞州領縣八屯留隸之

元史地理志潞州領縣七屯留下至元二年省屯留  
入襄垣十五年復置

明嘉靖中升潞州爲潞安府縣仍隸焉

案洪武初仍元制嘉靖八年升州爲府領縣八屯留

屯留縣志

卷一

沿革

八

屬

國朝因之

疆域

昔先王荒度土功必辨其疆界詳其方域使知里道之遠近封圻之廣狹不惟便省覽實以謹防禦也屯邑雖叢爾微區然其中險易不齊高下異勢因詳志之俾司牧者知所以固封疆謹斥埃云

縣治在府西北六十里

省志五十五里

東西廣一百二十五里

南北袤四十八里

府志廣一百二十里

東至潞城縣界安場村三

十五里潞城縣治七十里西至沁州沁源縣界辛莊村九十里南至長子縣界鮑店鎮十八里長子縣治六十里北至襄垣縣界迴轅村三十里襄垣縣治六十里東

屯留縣志

卷一

疆域

九

南至長治縣界祿村三十里長治縣治六十里西南至平陽府岳陽縣治二百六十里東北至潞城縣界西王村四十里西北至襄垣縣界五嶺山四十里沁州治一百三十里由縣治西北四百八十里抵山西布政司東北一千三百八十里達於京師係通衢有驛傳峻山峙於西北上黨控於東南前浸藍水後繞絳河山四通志云西北名邑地接太行之脈方輿上黨水連洛河之流巖山列屏嶂於南隱隱龍潛之勢絳水環襟帶於北悠悠蚓曲之形鳳凰峰蓮花岡名山角峙於前高麗泉神水瀑巨浸尾分於後

山川

禹貢分九州必以山川爲界良以郡縣之名有時而更山川之形千古不易也屯邑雖無名山大川然山以盤秀爲尊而諸峰環繞川以絳河爲大而衆水匯歸鍾靈毓秀洵爲一邑大觀云

盤秀山在縣西南九十里主峰高四十五丈袤二里周七里盤踞百餘里西南長子方山北連沁源綿山山西南一名盤石山巖峭盤曲孤峰峻峭藍水出其陽絳水出其陰爲本縣發脈之地地形志寄氏有盤秀嶺藍水出其南東流入濁漳金史志屯留有盤秀山

屯留縣志

卷一

山川

十

絳水

紅隴山嶺陟盤秀巔

鹿瀆山卽盤秀山又名方山冀州圖屯留有鹿瀆山卽絳水源所出元和郡縣志絳水出方山去縣八十四里今絳水出縣西南八十里則一山也而水經注於絳水則云西出穀遠縣東發鳩之谷於漳水則云出鹿谷與發鳩連麓而在南蓋本一山連互故互有其稱也

三峻山在縣西北四十五里遞高三十里周三十餘里三峯鼎峙一名麟山一名靈山一名徐陵山相傳爲

羿射九烏之所下有二峻水有泉唐志屯雨輒應唐志屯  
留有二峻山宋崇甯間賜廟額封羿神爲靈貺王歲  
以六月六日有司致祭至今仍之許慎曰羿堯時射  
宮非有窮后羿也淮南子堯使羿射九烏於三峻之  
山殺九嬰於凶水之上繳大風於青邱之澤疏佺記  
唐時有冥靈鑿齒九嬰十日大風封豕長蛇之害民  
罔攸止帝於是擇兵稱旅屠長蛇於洞庭射十日繳  
大風於青邱殺冥靈擒封豕於桑林誅鑿齒於疇莘  
之野戮九嬰於凶水之上而後萬民復生玉海義和  
君之子曰十日按舊志以爲湯伐三峻非也湯伐者

屯留縣志

卷一

山川

七

三峻非此峻字又按魏書地形志屯留下云陽水源  
出三槐山又寄氏下云有隋氏城三想山三槐疑卽  
三峻想字疑又槐字之訛也詳交川水下

七星臺在縣北三里絳河之濱高七丈袤八里周十餘  
里縣北近以峻山爲王峰疊嶂層巒邐迤二十餘里  
至余吾而開陽一望皆平又十數里至蘇村陡起巨  
阜端方高聳上峙峰七如七星然蓋城之後障也

田石山在縣西八十里高三十二丈袤一里周四里從  
盤秀逶迤而來陡開巨嶂絳水繞其下稱邑之少祖  
山松林茂密綿亙十餘里邑侯屠直立石禁民樵採

伐取

疑山在縣西南九里高三十丈袤一里周三里山面東南玉海北魏孝文帝幸潞州見山有伏龍之勢疑而不進遂斷山東麓以厭之因名疑山後唐明皇自滎與其應也地形志屯留有疑山

鳳凰山在縣西南二十里高三十五丈袤一里周四里面南形似鳳上有雲影寺相傳神農時有鳳凰巢此地地形志鳳凰山一名天冢山

石聚山在縣東北二十里有大石平地突起宋人建仙師廟於其上卽以石爲像俗呼爲石神廟後植松十數株於山陽蕭森有佳趣

屯留縣志

卷一

山川

三

良材山在縣東北三十五里山面南舊產良材

白雲山在縣西北二十里上有總報寺俗傳爲張良修養之所未審

浮山在縣正北二十里山面南高聳若浮上建夏禹廟爲居民祈報之所

霜澤山在縣西五十里高二十八丈袤一里周三里山面東南地高霜早

紫荆山在縣西十五里開壁略明王世貞適晉記行午飯余吾驛復陟高嶺至數重四望皆山雲日映帶如

萬玉雉疊嶂高低作銀海衝濤決排狀已黑雲從東  
南至大雨驟降道路幾絕嶮峻輕輿中下見數足蹠  
跚旁皆絕壑乃知浮滄海帆長江車太行道以危身  
借快目不易也

金星山在縣西北八里上有五龍廟遇旱禱雨輒應  
南屏山在縣西六十里張店鎮之南其山松林聳秀山  
下高麗水蒲谷水合流入絳水

奚斯嶺今名摩訶嶺在縣西南一百里冀州圖云鹿谷  
山有大道入壺口東出達襄國西登奚斯巨嶺以達  
河東徑阻千里

### 屯留縣志

#### 卷一

山川

三

案鹿谷卽鹿瀆壺口今之東陽關圖記所云皆東出  
之通衢則此巨嶺爲摩訶嶺無疑

蓮花岡在縣西十里蓮村形如覆蓮一起一伏綿亙四  
十餘里蓋縣之屏障也

黃沙嶺地形志屯留有屯留城有藕澤黃沙嶺余吾城  
絳水出縣西南盤秀山陰八泉競湧流瀑如珠東流左  
會七泉水東過田石山北又東逕張村南左會高麗  
水始名絳河河東北流逕苗橋村北右納霜澤水北  
流逕棘后村東又東流至縣西北蓮村左會三峻水  
又東逕縣城北又東逕鳴水村北右納雞鳴水又東

北流逕史村及東至河村又東北至潞城縣界交漳  
村入濁漳表一百三十里史記正義絳水源出潞州  
屯留縣西南方山東北後漢志屯留絳水出地形志  
屯留下云絳水自寄氏界來入濁漳因名交漳水經  
注漳水東逕屯留縣南又屈逕其城東東北流有絳  
水注之絳水西出穀遠縣東發鳩之谷謂之絳水西  
出穀遠縣爲藍水東逕屯留縣故城南故留吁子國  
也潞氏之屬春秋襄公十八年晉人執孫蒯于純留  
是也其水東北流入於漳禹貢雖指北過降水注按  
宋張洎云降水卽濁漳也字或作絳漢地理志屯留

屯留縣志

卷一

山川

四

下云桑欽言絳水出西南東入海酈道元引此云絳  
水發源屯留下亂漳津與漳俱通稱也史記河渠書  
云禹導河至于大伾乃斷二渠以引其河北載之高  
地其一爲河之經流自大伾山西南折而北爲宿胥  
口又東北逕鄴縣東至列人斥章縣界合漳水是爲  
北過降水又漢志雜探古記故漳絳二水並存實一  
川也漳絳本入河及河徙之後漳絳循河故道而下  
故酈元云水流間關所在著自信都復見絳名而東  
入於海也

凍水今絳水也

說文凍水出發鳩山入河從水東聲水經注漳水東  
逕屯留縣南又屈逕其城東東北流有絳水注之水  
西出穀遠縣東發鳩之谷謂之爲濫水也東逕屯留  
縣故城南東北流入于漳故桑欽云絳水出屯留西  
南東入漳漳水又東凍水注之水西出發鳩山東逕  
余吾縣故城南又東逕屯留縣故城北又東流注于  
漳故許慎曰水出發鳩山入漳從水東聲也案臚注  
所謂絳水卽今之藍水所謂凍水乃今之絳水也說  
文凍字當與漳字相次寫者誤移於前遂改入漳爲  
入河蓋非許氏之舊而水經注俗本又訛凍爲陳文

屯留縣志

卷一

山川

五

尤舛不可通

謂之濫水也句下衍絳水西出發鳩山入河從

水章

聲茲依四庫本證以水道則濫水今稱藍水出長

子境在縣南凍水今稱絳水出縣境逕城北無不楮

符絳禹貢作泮古音與凍同聲

孟子泮水者洪水也

是凍水爲

今絳水無疑其經流亦巨而臚氏乃獨舉藍水以當

絳殆泥於桑欽水出屯留西南之說而強生分別歟

藍水在縣西南九十里源出盤秀之陽流經長子縣與

濁漳合

霜澤水出縣西八十里田石山東義逢村北流至苗橋

村入絳水表八里

高麗水在縣西七十里許源出沁源縣高麗村東南流至張村東入絳水

七泉水一名蒲谷水出縣西七十里七泉村五龍廟東南入里流至芳草溝入絳水

疑水在縣西南九里源出疑山東南麓流百步許伏而不見至縣治西南隅復出流入絳水今涸

三嶮水一名清渡水出縣西北三十五里三嶮山之陽東南流至寨河村東會交川水又會神女泉東流逕余吾鎮北又東流至蘇村折而南至蓮村東入絳水袤五十里按文獻考輿記註屯留有二嶮水卽此

屯留縣志

卷一

山川

六

交川水出三嶮山之陰東流十里至寨河村會清渡水按魏書地形志屯留下云陽水源出三摠山東流合車臺水東南入絳水陽水疑卽三嶮水車臺疑卽交川水三摠疑卽三嶮也

余吾水在縣西北二十里漢書武帝紀元狩二年夏馬生余吾水中

積石水出縣東北十五里南澗莊逕石聚山下東流五里入潞城界注濁漳

雞鳴水出縣西南二十里蒲蔬嶺東流逕河北店又東逕官峪村至高米村東折而北至鳴水村入絳河

四十里

玉溪水在縣南十二里魏村發源於村西南龍王廟溝  
流里許入村水漸大遷迤至東魏村滿河之中盡植  
稻田旱澇均收無歉歲邑之水利斯爲最焉東流至  
官峪村入雞鳴水

神女泉在縣西北二十里二仙頭源出層崖俯臨幽澗  
上建淑惠二真人祠西行六里至寨河村東口入三  
峻水

張厚泉在縣城北二里許週圍二丈濶深莫測不涸不  
溢遇旱鄉人淘泥禱雨輒應故名龍潭上建惠應侯

屯留縣志

卷一

山川

七

廟

龍泉在縣東北二十五里其井週圍一丈磚甃口窄一  
尺遇旱鄉人去磚入水淘盡泥沙復甃如故雨遂降  
神惠泉在縣東北四里許泰山行祠右其孔圍圓四寸  
深二丈餘土堅如甃泉源莫測有疾者懇禱飲之獲  
愈

馬跑泉在縣東北二十里發源石室村東流十里入絳  
水

神井泉在縣東四里許雙塔村龍王廟前週圍一丈餘  
深八尺遇旱鄉人淘之雨遂降